

Акафист святому пророку Илие



Кондак 1

Избра́нный Бо́гом на обра́щение Изра́иля от прѣлести Ваа́ловы, гро́зный облича́телю царѣй законопреступных, просия́вый пла́менною ре́вностию по Бо́же Вседержи́тели, свя́тостию жи́зни и чудесы́, восхище́нный с плоти́ю тво́ею на Небеса́ и пре́дыти́ имѣяй Второ́му пришѣствию Христо́ву, похва́льная воспису́ем ти, проро́че Бо́жий Или́е; ты же, я́ко имѣяй ве́лие дерзнове́ние ко Го́споду, от вся́ких нас зол и обстоя́ний моли́твами тво́ими свобожда́й, благоче́стно тебе́ вопи́ющих:

Ра́дуйся, Или́е, вели́кий проро́че, Втора́го пришѣствия Христо́ва сла́вный предте́че.

Икос 1

А́нгел ре́вностию по Бо́же и чи́стым жити́ем тво́им, сый во плоти́, проро́че, был еси́: ещѣ́ бо младе́нцу ти бы́вшу оте́ц твой Сова́х ви́де све́тлыя А́нгелы, бесе́дующия с тобо́ю, огне́м тя повива́ющия и пла́менем пита́ющия, е́же прознаменоваше́ пла́менную ре́вность твою́ по Бо́же, си́лу словѣс тво́их и жити́е, я́ко свет, непоро́чное. Сего́ ра́ди со удивле́нием зове́м ти тако́вая:

Ра́дуйся, от ве́чности предызбра́нный в служе́ние спасе́нию сыно́в Изра́илевых;

ра́дуйся, от чре́ва ма́терня предугото́ванный в провозвѣстника Божѣственныя и́стины и благоче́стия.

Ра́дуйся, пресла́вным, бы́вшим на тебе́, виде́нием роди́теля твоего́ удиви́вый;

ра́дуйся, де́вственную чистоту́ и безмо́лвие от ю́ности возлюбивый.

Ра́дуйся, суету́ ми́ра сего́ и вся́ бла́га его́ презре́вый, ду́шу же твою́ всеце́ло Го́споду посвятивый;

ра́дуйся, све́том премудрости от Бо́га озаре́нный и уче́нием благоче́стия изде́ства напоённый.

Ра́дуйся, Или́е, вели́кий проро́че, Втора́го пришѣствия Христо́ва сла́вный предте́че.

Кондак 2

Видя нечестие и развращение во Израили, преславный пророче, зело духом твоим скорбел еси и ревностию по славе Божией воспламенялся еси; яко сынове Израилевы мерзким идолом поклоняшася, от Бога же Истиннаго отступиша, Емуже вся небесная воинства со страхом вопиют: Аллилуиа.

Икос 2

Разум свой злою волею омрачив, беззаконный царь израильский Ахав, остави Истиннаго Бога Вседержителя и поклоняшеся мерзкому идолу Ваалу, купно же и в царстве своем умножи идолопоклонение и нечестие. Ты же, пророче, исполнен сый велия ревности по Бозе, дерзновенно обличил еси царя, возвестив ему, яко в наказание ему и царства его три лета и месяц шесть не будет дождь, ни роса, и глад велий будет по всей земли. Дивяшеся убо толицей ревности твоей по Бозе и велию дерзновению, с любовью зовем ти:

Радуйся, небоязненный проповедниче истины и крепкий поборниче благочестия;

радуйся, ревностный нечестия обличителю.

Радуйся, к наказанию некающихся грешников долготерпеливаго Бога преклонивый;

радуйся, словом твоим небо заключивый и плодоносную землю неплодну сотворивый.

Радуйся, трилетний глад за нечестие людей от Господа испросивый;

радуйся, яко Всевышний Господь дарова тебе в бога Ахаву, якоже древле Моисеа фараону.

Радуйся, Илие, великий пророче, Второго пришествия Христова славный предтече.

Кондак 3

Силою молитвы твоея, предивный пророче, воистину заключися небо и не одожди три лета и месяц шесть, и бысть глад велий по всей земли: да поне зноём и гладом томими, нечестивии людие покаются и обратятся ко Господу, со умилением зовуще Ему: Аллилуиа.

Икос 3

Имѣя вѣлие благоволеніе к тебе, проро́че, Господь восхотѣ отлучити тя от беззаконныхъ сыновъ Израїля, да не с ними терпиши глад и жажду, и повелѣ тебе ити к потоку Хорафову, идеже вранове питаху тя, приносяще хлеб и мясо. Тѣмже приносим тебе похвальная сия:

Ра́дуйся, постомъ и бдѣніемъ вся земная и суетная помышления истребивый;

ра́дуйся, молитвою и богомыслиемъ ум твой в горняя вперивый.

Ра́дуйся, патриарховъ величание и пророковъ красотою;

ра́дуйся, дѣвственниковъ похвалою и преподобныхъ славою.

Ра́дуйся, святителейъ наставниче и мучениковъ крепосте;

ра́дуйся, яко нечестіемъ и неверіемъ ослепленныхъ сыновъ Израїлевыхъ на путь истины обратилъ еси.

Ра́дуйся, Илиѣ, великій проро́че, Второго пришествія Христова славный предтече.

Кондак 4

Буря вѣлія, разрушающая горы, предыдѣше, егда приближашеся к тебе, проро́че, в Хоривѣ Господь, таже явился трус, и не в трусе Господь, и по трусе огонь, и не во огни Господь, а по огни бысть глас хлада тонка, и ту явился тебе Господь, Егоже присутствие ощутивъ, покрылъ еси лице твое милотию, со страхомъ и радостію зовый Ему: Аллилуїа.

Икос 4

Слышавъ нечестивый царь Ахавъ повелѣніе твое, о еже собрати вся колѣна Израїлева на гору Кармільскую, и привести на ту студныя пророки Вааловы, абие пославъ, собравъ вся, и сам прииде тамо. Ты же, ревнителю славы Божія, хотя конечно посрамити мерзкія идола и прославити Истиннаго Бога, повелѣлъ еси уготовать две жертве, огня же на тыя не возгнѣцати, рекъ: «И будетъ Богъ, Иже послушаетъ огнемъ, Той есть Богъ». То слышавше вси людие, рѣша: «Добръ глаголъ Илиинъ, да будетъ тако». Мы же, величающе тя, зовѣмъ:

Ра́дуйся, великій посланниче Царя Небеснаго и провозвѣстниче святыхъ велѣній Его;

ра́дуйся, адама́нте, нео́доли́мый в ре́вности и непоколеби́мый сто́лпе благоче́стия.

Ра́дуйся, си́льный защи́тнице и́стины и твёрдый проти́воборниче враго́в Бо́жиих;

ра́дуйся, нече́стия искорени́телю и насади́телю благоче́стия.

Ра́дуйся, пла́менный ревни́телю Боже́ственныя сла́вы;

ра́дуйся, я́ко и в послéдния дни ми́ра има́ши проповéдовати И́стиннаго Бо́га и облича́ти ока́яннаго анти́христа.

Ра́дуйся, Или́е, вели́кий проро́че, Вто́раго прише́ствия Христо́ва сла́вный предте́че.

Кондак 5

Боготéчную тя звезду́ погаси́ти мня́ше беззако́нная цари́ца Иезавéль: испо́лнившися бо на тя я́рости за погублéние стúдных ея́ проро́ков, хотя́ше уби́ти тя. Ожесточи́ся бо се́рдце ея́ и не хотя́ше véровати чудесéм твои́м, проро́че, и познáти И́стиннаго Бо́га, пою́щи Ему́: Аллилу́иа.

Икос 5

Ви́девше вси лю́дие Изра́илевы, по моли́тве твоёй, огонь от Го́спода с Небесé сше́дый на жéртву твою́, всехва́льне проро́че, и всю ю́ поже́гший, дрова́ же, и ка́мень, и персть, и во́ду потреби́вый, падо́ша на лица своя́, зыва́юще: «Вои́стину Го́сподь Бог, Той есть Бог». И véроваша лю́дие Бо́гови, стúдныя же проро́ки ты закла́л еси́. Сла́вяще ўбо Всеси́льнаго чудодéющаго Бо́га, тебе́, уго́днику Его́, глаго́лем си́це:

Ра́дуйся, превéлие дерзнове́ние ко Влады́це вся́ческих стяжа́вый;

ра́дуйся, зна́мени и чудесы́ Боже́ственную И́стину утверди́вый.

Ра́дуйся, прéлесть дéмонскую посра́мивый, и́стинную же véру просла́вивый;

ра́дуйся, невер́ныя и́стинным боговéдением просвети́вый.

Ра́дуйся, трикратным лия́нием на жéртвенник воды́ та́йну Пресвяты́я Трои́цы яви́вый;

ра́дуйся, я́ко все естество́ сúщих тебе́ повиновáся, огонь же и вода́ тебе́ служа́ху.

Ра́дуйся, Или́е, вели́кий проро́че, Вто́раго прише́ствия Христо́ва сла́вный предте́че.

Кондак 6

Проповѣдник истиннаго боговѣдения и благочестія явилъ еси, проро́че, не то́кмо во Изра́или, но и в странѣ язы́честей, по́слан быв от Го́спода в Сарéпту Сидо́нскую к женѣ вдови́це препита́тися, па́че же да саму́ ту препита́еши в гла́де: имѣя бо ве́лию чудотворѣния благода́ть, умно́жил еси́ муку́ и елей в до́му ея́ неоску́дно, до́ндеже пре́йде гла́дное вре́мя, и трикра́тным дуновѣнием, по моли́тве тво́ей, воскреси́л еси́ умершаго сы́на ея́, поя́ чудодо́ющему Бо́гу: Аллилу́иа.

Икос 6

Возсия́в ве́лиею ре́вностию по Бо́зе Вседержи́тели, зело́ скорбѣл еси́, проро́че, я́ко оста́виша заветъ Его́ сы́нове Изра́илевы, олтари́ Его́ раскопа́ша и проро́ки избѣи́ша. Госпо́дь же во утешѣние твоѣ возвести́ тебе́, я́ко не весь Изра́иль отступи́ от Него́, но има́ть семь ты́сящ сокровѣнных рабо́в Свои́х, иже не преклонѣи́ша колѣна своя́ Ваалу́. Те́мже, воспомина́юще ре́вность твою́ по Бо́зе, поѣм ти с благоговѣнием сицева́я:

Ра́дуйся, ве́рный служи́телю и бли́жний дру́же Госпо́день;

ра́дуйся, о́бразе и похвало́ благочести́вых па́стырей.

Ра́дуйся, наста́вниче спасѣния и просвещѣние во тме се́дящих;

ра́дуйся, защи́тником исти́ны му́жество внуша́яй, в по́двизех же и страда́ниих за пра́вду их укрепля́яй.

Ра́дуйся, я́ко серафѣмскою пла́менною любóвию к Бо́гу горѣл еси́;

ра́дуйся, я́ко и Госпо́дь во всем послу́шаше тебе́ и по прошѣнию тво́ему вся творя́ше.

Ра́дуйся, Или́е, вели́кий проро́че, Вто́раго прише́ствия Христо́ва сла́вный предте́че.

Кондак 7

Хотя́ Человеколю́бец Госпо́дь явити́ милосѣ́рдие Своѣ ка́ющимся грѣшником, по прешѣствии прорече́ннаго гла́днаго вре́мене, низпосла́ по моли́тве тво́ей, проро́че, и глаго́лом уст твои́х, на жа́ждущую зе́млю обильный и ми́рный дождь: сы́нове же Изра́илевы, сподо́бльшиися толи́кия ми́лости, во умилѣнии се́рдца благодарственнó возопѣи́ша Бо́гу: Аллилу́иа.

Икос 7

Нóвое нечестíвый царь Ахáв к беззакóнием своим приложí злодеяние, егда повелé убíти неповíнного Навуфéя и восхíти виноград егó. Сегó рáди, обличáя законопрестúпного царя, прорéкл еси́ ему́, прорóче, яко идеже умерщвлён бысть Навуфéй, тамó и егó кровь свиный и пси полижут, и жену́ егó Иезавéль снесядт пси, и весь дом егó истребíтся. Вéдуще úбо мы сбывшееся стрáшное сие́ проречéние, ужаса́емся, зову́ще:

Рáдуйся, обидящих и жестокосéрдных грóзный отмстítелю;

рáдуйся, сíрых и напáствуемых крéпкий застúпниче.

Рáдуйся, не почита́ющих святы́х прáздников Правослáвныя Цérкве карáтелю;

рáдуйся, продéрзых ху́льников И́мене Бóжия низложítелю.

Рáдуйся, слóвом обличéния, яко грóмом, беззакóнныя поража́й;

рáдуйся, бóдущая, яко настоя́щая, вéдый и дáльняя, яко близ сýщая, прорица́й.

Рáдуйся, Илиé, вели́кий прорóче, Вторáго пришéствия Христóва слáвный предтéче.

Кондак 8

Стрáнное и преестéственное показá Госпóдь о тебе́, прорóче, промыслéние, егда́ повелé áлчным и нечадолюбíвым враном питáти тя в глáде при пото́це Хорáфове, идеже непрестáнно пребывáя в молитве и богомы́слии, воспева́л еси́ Бóгу: Аллилу́иа.

Икос 8

Весь был еси́ смире́нием véлиим укра́шен, прорóче Бóжий, сегó рáди с гóрдостию пришéдших к тебе́ двух пýтдесятоначáльников с во́ины, да приведúт тебе́ к беззакóнному царю́ Охóзии, огнём попали́л еси́, со смире́нием же пришéдшаго к тебе́ Áвдия, íже пита́ше ученики́ прорóческия, поми́ловал еси́. Сегó рáди прино́сим ти похва́льныя пéсни сия́:

Рáдуйся, гóрдых смири́телю и карáтелю, смире́нных же покрóве и застúпниче;

рáдуйся, мздои́мных суде́й наказáтелю, пра́во же судя́щим помо́щниче.

Ра́дуйся, правове́рному во́инству во бра́нех спобо́рнице, нечести́вых же супоста́т низложите́лю;

ра́дуйся, премудро́стию, я́ко бронёю, облече́нный и правдою, я́ко щито́м, огражде́нный.

Ра́дуйся, ре́вностию по Бо́зе я́ко мече́м воору́женный и посто́м, я́ко крила́ми, окриле́нный;

ра́дуйся, ве́рою, я́ко шле́мом спасе́ния, покрове́нный и любо́вию, я́ко венце́м пресве́тлым, венча́нный.

Ра́дуйся, Или́е, вели́кий проро́че, Вто́раго прише́ствия Христо́ва сла́вный предте́че.

Кондак 9

Вся́кое челове́ческое естество́ зело́ удивля́ется, ка́ко ты, пречу́дный проро́че, шел еси́ четы́редесять дний, ни яды́й, ни пия́й, до горы́ Хори́ва, иде́же сподо́бился еси́ пресла́внаго явле́ния и пресла́дкия бесе́ды Го́спода Вседержите́ля, поя́ Ему́: Аллилу́иа.

Икос 9

Вити́я многовеща́нныя недоуме́ют дово́льно разуме́ти и изъясни́ти, ка́ко ты, великоимени́те Или́е, во плоти́ сый челове́честей и подобостра́стен нам быв, восхи́щен еси́ с те́лом твои́м на не́бо, я́вльшейся тебе́ колесни́це о́гненной с ко́ни о́гненными. Сла́вляще у́бо просла́вльшаго тя Го́спода и дивя́щися восхи́щению твоemú, благоговейно зове́м ти:

Ра́дуйся, пречу́дным воздержанием ве́тхаго челове́ка в себе́ умертви́вый;

ра́дуйся, огне́м Божество́нныя ре́вности вся́кое веще́ственное помышле́ние в себе́ попали́вый.

Ра́дуйся, преложением твои́м на Не́бо род челове́ческий возвесели́вый и жизнь ве́чную уве́ривый;

ра́дуйся, че́стию и сла́вою преесте́ственною от Бо́га почте́нный и па́че всех дре́вних проро́ков просла́вленный.

Ра́дуйся, от а́нгельских лико́в в селени́их небесных ра́достно срете́нный;

ра́дуйся, я́ко и́мя твоё во всем ми́ре почита́ется, и ре́вность твоя́ по Бо́зе зело́ прославля́ется.

Ра́дуйся, Или́е, вели́кий проро́че, Вто́раго прише́ствия Христо́ва сла́вный предте́че.

Кондак 10

Спасти́ хотя́ Всеблагі́й Бог лю́ди Израїлевы от прѣлести Ваа́ловы, избра́ ты, вели́кий проро́че, во ору́дие во́ли Своея́ и облече́ ты Божѣственною вла́стию и си́лою, да обрати́ши невер́ныя, испра́виши беззакон́ныя, просвети́ши омраче́нныя и научи́ши всех вопи́ти Бо́гу: Аллилу́иа.

Икос 10

Стена́ и заступле́ние бу́ди нам, пресвя́те проро́че, мо́щным твои́м ходата́йством утоля́я пра́ведный гнев Бо́жий, поража́ющий нас, грѣшных и непотрѣбных, бездо́ждем и гла́дом, ещѣ же тлетво́рными ве́тры и болѣзньми, да изба́вльшеся от бед, благодарственно поём́ ты:

Ра́дуйся, моли́твами твои́ми не́бо заключа́й и отверза́й, плодоно́сие земли́ и непло́дие от Бо́га посыла́й;

ра́дуйся, предста́тельством твои́м пред Бо́гом дожди́ ми́рны и ро́су животво́рную на земна́я прозябе́ния низводя́й.

Ра́дуйся, свирѣ́пыя во́лны морскія́ и стра́шныя бу́ри утиша́й и гро́мами и мо́лниями по во́ле Божией управля́й;

ра́дуйся, тлетво́рныя ве́тры и смертоно́сныя язвы́, поража́ющія челове́ки же и скоты́, укроща́й.

Ра́дуйся, си́рых и вдови́ц пита́телю и щедро́дательных лю́дий покрови́телю;

ра́дуйся, яко́ нечесті́вых ху́льников и гоните́лей пра́выя ве́ры поража́еши и духо́в зло́бы от рабо́в Бо́жиих прогоня́еши.

Ра́дуйся, Или́е, вели́кий проро́че, Вто́раго прише́ствия Христо́ва сла́вный предте́че.

Кондак 11

Пе́ние умилѣнное приими́ от нас, проро́че Бо́жий Или́е, яко́же прия́л еси́ проше́ние Елисе́ево, егда́ проси́ от тебе́, да бу́дет дух, и́же в тебе́, сугуб в нем, и егда́, восхища́йся на Не́бо, низпусти́л еси́ ему́ ми́лоть твою́, ю́же он взял, раздели́, яко́же и ты пре́жде, Иорда́нскія́ во́ды, и бысть наслѣ́дник де́йствовавшия в тебе́ Бо́жия благода́ти: си́це и нас покрый́ ми́лотию твоея́ ми́лости от вся́ких бед и обстоя́ний, да со благодарѣ́нием зове́м Бо́гу: Аллилу́иа.

Икос 11

Светозáрное свети́ло во Изра́или, всехва́льне проро́че, был еси́, сияя равноа́нгельным жити́ем твои́м и му́дростию, ещё́ же необы́чною ре́вностию по Бо́зе и чудесы́ пресла́вными, просвеща́я лю́ди и́стинным богове́дением и разгоня́я мрак идолослужэ́ния. Те́мже воспису́ем ти похва́льная, пою́ще:

Ра́дуйся, лучеза́рная звездó, сия́нием свои́м озари́вшая всю вселённу́ю;
ра́дуйся, светонóсная свещé, непреста́нно горя́щая и во тме се́дящих просвеща́ющая.

Ра́дуйся, ду́хом прему́дрости и ра́зума озаре́нный, ду́хом сове́та и кре́пости испо́лненный;

ра́дуйся, ду́хом ве́дения и благоче́стия просвеще́нный и ду́хом стра́ха Бо́жия напоённый.

Ра́дуйся, высо́кими добродéтелями и пресла́вными чудесы́ преукраше́нный;

ра́дуйся, яко́ суды́ Бо́жия на земл́и исполнял еси́, проро́ки же и цари́ пома́зывал еси́.

Ра́дуйся, Или́е, вели́кий проро́че, Вто́раго прише́ствия Христо́ва сла́вный предте́че.

Кондак 12

Благода́ть ве́лия дана́ ти бысть от Бо́га, прехва́льне проро́че, яко́ в земне́й жи́зни твоёй проро́чествовал и соверша́л еси́ дивна́я чудеса́, та́же преесте́ственно восхи́щен был еси́ с плóтию твоёю на не́бо: по восхи́щении же твоём дивно́ предста́л еси́ на Фавóре Преобра́зившемуся Го́споду и с ним бесе́довал еси́, и доднёсь не престаёши чудодéйствовати и источа́ти ми́лости и изцеле́ния усер́дно почита́ющим тя, Бо́гу же ве́рно вопию́щим: Аллилу́иа.

Икос 12

Пою́ще твою́ пла́менную ре́вность по Бо́зе и равноа́нгельное жити́е, дивна́я же твоя́ и пресла́вная чудеса́ и превéлие благово́ление к тебе́ Го́спода, восхваля́ем тя, великоимени́те проро́че Или́е; оба́че не могу́ще досто́йно изобрази́ти вели́чие и сла́ву твою́, со умилéнием зовём ти сицева́я:

Ра́дуйся, ковче́же Божественныя сла́вы и всечестный хра́ме Пресвяты́я Трои́цы;

ра́дуйся, свети́льнице невече́рний церквѣй и благово́нный цвѣте ра́я Божественнаго.

Ра́дуйся, благочести́вых пусты́нников руководителю, де́вственников же наста́вниче и укрепле́ние;

ра́дуйся, я́ко грѣшников к покая́нию возбужда́еши и всему́ ро́ду христиа́нскому жизнь ве́чную ходата́йствуеши.

Ра́дуйся, я́ко во свѣтлостех святы́х неизрече́нныя сла́вы наслажда́еши и непреста́нно Го́спода славосло́виши;

ра́дуйся, я́ко в конце́ вре́мен ве́лия зна́мения и чудеса́ има́ши соверши́ти на утвержде́ние люде́й во и́стинней ве́ре и на обличе́ние анти́христа.

Ра́дуйся, Или́е, вели́кий проро́че, Вто́раго пришѣ́ствия Христо́ва сла́вный предте́че.

Кондак 13

О предивный и пресла́вный проро́че Бо́жий Или́е, превели́й ревни́телю по Бо́зе, дожди́ и бездо́жие, плодонос́ие на зе́млю и непло́дие от Бо́га посыла́яй! Услы́ши си́е ма́лое, благогове́нно приносимое тебе́ на́ми моле́ние и твои́м те́плым ко Го́споду предста́тельством сохрани́ нас от бездо́ждия, гла́да и смертоно́сных боле́зней, пода́ждь же нам благорастворе́ние возду́ха и плодонос́ие, и дух пра́выя ве́ры и благоче́стия, да изба́вльшися от ве́чных мук, сподо́бимся райскаго блаже́нства, пою́ще Бо́гу: Аллилу́иа.

Этот кондак читается трижды, затѣм 1-й икос «А́нгел ре́вностию...» и 1-й кондак «Иза́бранный Бо́гом...».

Моли́тва

О прехва́льный и пречу́дный проро́че Бо́жий Или́е, просия́вый на земли́ равноа́нгельным жити́ем твои́м, пла́меннейшею ре́вностию по Го́споде Бо́зе Вседержи́тели, ещѣ́ же зна́мении и чудеса́ пресла́вными, та́же, по крайнему́ благоволе́нию к тебе́ Бо́жию, преесте́ственно восхище́нный на о́гненной колесни́це с плоти́ю твоєю́ на Не́бо, сподо́бивыйся бесе́довати с Преобра́зившимся на Фаво́ре Спаси́телем ми́ра и ны́не в райских селѣ́ниях вы́ну пребыва́яй и предстоя́й Престо́лу Небе́снаго Царя́!

Услы́ши нас, грѣшных и непотрѣбных, в час сей предстоящих пред святою твоєю ико́ною и усѣрдно прибега́ющих к ходата́йству твоему́. Моли́ о нас Человеколю́бца Бо́га, да пода́ст нам дух покая́ния и сокруше́ния о гресѣхъ на́ших и всесильною Своєю́ благодати́ю да помо́жет нам оста́вити пути́ нече́стия, приспѣвати же во всякомъ дѣле́ бла́зе, да укрепит́ нас в борьбѣ со страстьми́ и похотьми́ на́шими; да всади́т в се́рдце на́ше дух смире́ния и кро́тости, дух братолю́бия и незло́бия, дух терпе́ния и целому́дрія, дух ре́вности к Сла́ве Божией и спасе́нию бли́жних. Упраздни́ моли́твами твоими́, проро́че, злы́я обы́чаи ми́ра, па́че же поги́бельный и тлетво́рный дух ве́ка сего́, заража́ющий христиа́нский род неува́жением к Божѣственной Правосла́вней ве́ре, к уста́вом Святы́я Це́ркве и к за́поведем Госпо́дним, непочте́нием к роди́телем и власте́м предержа́щим и низверга́ющий люде́й в бе́здну нече́стия, развра́щения и поги́бели. Отврати́ от нас, пречу́дне проро́че, предста́тельством твои́м пра́ведный гнев Бо́жий и изба́ви вся гра́ды и ве́си от бездо́ждия и гла́да, от стра́шных бурь и землетрясе́ний, от смертоно́сных язв и болѣзней, от наше́ствия враго́в и междоусо́бных брани́. Испроси́, проро́че Бо́жий, от Го́спода па́стырем на́шим святу́ю ре́вность по Бо́зе, серде́чное попече́ние о спасе́нии пасо́мых, му́дрость в уче́нии и управле́нии, благоче́стие и кре́пость во искуше́ниях, судия́м испроси́ нелицепри́ятие и безкоры́стие, правоту́ и сострада́ние к оби́димым, всем нача́льствующим попече́ние о подчинѣ́нных, ми́лость и правосу́дие, подчинѣ́нным же покоро́нность и послуша́ние ко власте́м и усѣрдное исполне́ние свои́х обяза́нностей; да, та́ко в ми́ре и благоче́стии пожив́ше в сем веце́, сподо́бимся прича́стия ве́чных благ в Ца́рствии Го́спода и Спа́са на́шего Иису́са Христа́, Ему́же подоба́ет честь и поклонѣ́ние со Безнача́льным Его́ Отце́м и Пресвяты́м Ду́хом, во ве́ки веко́в. Ами́нь.

Моли́тва во вре́мя бездо́ждия

О вели́кий и пресла́вный проро́че Бо́жий Или́е, ре́вности ра́ди твоея́ по сла́ве Го́спода Бо́га Вседержите́ля не терпе́вый зре́ти идолослуже́ния и нече́стия сыно́в Изра́илевых, обли́чавый законопресту́пнаго царя́ Аха́ва и в наказа́ние тех триле́тний глад на зе́млю Изра́илеву моли́твою твоєю́ от Го́спода испроси́вый, да, отве́ргше ме́рзкия идо́лы и отсту́плше от неправд и беззакони́й, обратят́ся ко Еди́ному Исти́нному Бо́гу и исполне́нию святы́х Его́ за́поведей, вдови́цу Сарептску́ю в гла́де пречу́дно препита́вый и сына́ ея́ умер́ша моли́твою твоєю́ воскреси́вый,

по прошествии же пронаречённого времени глады, собранный на гору Кармилевскую народ израильский в богоотступстве и нечестии укоривый, также огонь молитвою на жертву твою с небес испросивый и чудом сим Израиля ко Господу обративый, студныя же пророки Вааловы посрамивый и умертвивый, по сих же молитвою паки небо разрешивый и обильный дождь на землю испросивый и люди Израилевы возвеселивый! К тебе, предивный угодниче Божий, усердно прибегаем, грешнии и смиреннии, томими бездождем и зноём: исповедуем, яко недостойни есмы милости и благодеяний Божиих, достойни же паче лютых прещений гнева Его, скорби же и нужды и всяких зол и болезней. Не бо ходихом в страхе Божии и в путех заповедей Его, но в похотех развращённых сердец наших и всякий вид греха безчисленно сотворихом; беззакония наша превзыдоша главу нашу, и несмы достойни явитися пред лице Божие и зрети на небо. Исповедуем, яко и мы, якоже древний Израиль, отступихом от Господа Бога нашего, аще не верою, то беззаконными нашими, и аще не поклоняемся Ваалу и другим мерзким идолом, то раболепствуем страстем и похотем нашим, служаще идолу чревоугодия и сластолюбия, идолу корыстолюбия и честолюбия, идолу гордости и тщеславия, и вслед ходим богопротивным иноплемённым обычаем и погибельному духу времени. Исповедуем, яко сего ради заключися небо и сотворися аки медяно, яко заключися сердце наше от милосердия и истинныя любви ко ближнему; сего ради отверде земля и соделася бесплодна, яко не приносим Господу нашему плодов добрых дел; сего ради несть дождя и росы, яко не имамы слез умиления и животворный росы Богомыслия; сего ради увяде всяк злак и трава сельная, яко изсше в нас всякое благое чувство; сего ради омрачися воздух, яко ум наш омрачися студными помышлениями и сердце наше осквернися беззаконными похотениями. Исповедуем, яко и тебе, пророче Божий, просити мы недостойни есмы. Ты бо, подобострастен быв нам человек, Ангелом в житии твоём уподобился еси и, аки безплотный, на небо восхищен еси, мы же студными помысли и деяньми нашими безсловесным скотом уподобихомся и душу нашу яко плоть сотворихом. Ты постом и бдением удивил еси Ангелов и человек, мы же, предающея невоздержанию и сластолюбию, скотом несмысленным уподобляемся. Ты презельною ревностию о славе Божией выну горел еси, мы же небрежем о славе нашего Творца и Господа и стыдимся исповедывати достопоклоняемое Имя Его. Ты нечестие и злыя обычаи искоренял еси, мы же рабствуем духу века сего, поставляюще богопротивныя обычаи мира паче заповедей Божиих и уставов Святыя Церкви. И кий грех и неправду не сотворихом мы, окаяннии? Истощим беззаконными нашими долготерпение Божие. Темже правосудный Господь прогневался на нас и во гневе Своём наказá нас. Оба́че ве́дуще ве́лие

дерзнове́ние твоё пред Го́сподем и наде́ющесе на любóвь твою́ к рóду челове́ческому, дерза́ем моли́ти тя, прехва́льне проро́че: ми́лостив бу́ди к нам, недостóйным и непотрѣ́бным. Умоли́ Великодарови́таго и Всещѣдраго Бо́га, да не до конца́ прогне́вается на ны и не погуби́т нас со беззако́ными на́шими, но да низпо́слет на жа́ждущую и иссо́хшую зѣмлю дождь оби́льный и ми́рный, да да́рует ей плодоно́сие и благорастворе́ние возду́ха. Преклони́ де́йственным твои́м ходата́йством на ми́лость Царя́ Небе́снаго, а́ще не ра́ди нас, грѣшных и скве́рных, но ра́ди избра́нных рабо́в Его́, не преклонивших колѣна своя́ пред Ваа́лом ми́ра сего́, ра́ди незло́бивых и несмы́сленных младе́нцев, ра́ди безслове́сных ското́в и птиц небе́сных, стра́ждущих за на́ша беззако́ния и истаева́ющих от гла́да, зно́я и жа́жды. Испроси́ нам твои́ми благоприя́тными моли́твами от Го́спода дух покая́ния и серде́чнаго умиле́ния, дух крóтости и воздержáния, дух любве́ и терпе́ния, дух стра́ха Бо́жия и благоче́стия, да та́ко, возврати́вшеся от стезе́й нече́стия на пра́вый путь добродете́ли, хóдим во све́те за́поведей Бо́жиих и дости́гнем обетова́нных нам благо́х, благоволе́нием Безнача́льнаго Бо́га Отца́, человеколю́бием Единоро́днаго Сы́на Его́ и благода́тию Всесвята́го Ду́ха, ны́не, и при́сно, и во ве́ки веко́в. Ами́нь.

